

ԳԱՌՆԻՒ ՊԱՆԱՏԸ ԵՎ ՄՈՎՍԵՍ ԽՈՐԵՆԱՅԻՆ

ԱՅԵՓԱՆ ՄՆԱՑԱԿԱՆՅԱՆ

Մենագրական բազմաթիվ տեղեկություններ են պահպանվել հելլենիստական շրջանի նշանավոր կենսորոնների պալատական համակառուցների մասին, սակայն մինչև այժմ պեղումներով հայտնի են դարձել միայն Գառնիի պալատական շենքերը, որոնք I դարում կառուցված հեթանոսական տաճարին շրջակա համալիրի օրգանական մասն են կազմում:

Գառնիի առաջին պեղումները (1909—1911), ձեռնարկված Ն. Մառի կողմից, բացեցին միայն տաճարը: 1949 թ. իր աշխատանքներն սկսեց ՀՄՍՀ ԳԱ հնագիտական արշավախումբը (ղեկ. ակադեմիկոս Բ. Ն. Առաքելյան), և պեղումները ընդգրկեցին ամբողջի եռանկյունաձև տարածքի շատ հատվածներ: Այս ընթացքում մաքրվեցին պարսպապատը և տաճարը՝ վերջինից հյուսիս-արևմուտք հայտնաբերվեցին պալատական մեծ կառույցը, բաղնիքը՝ իր նշանավոր խճանկարով, տաճարին հպված բոլորաձև մեծ եկեղեցու մնացորդները՝ կառուցված ներսես կաթողիկոսի կողմից VII դարի կեսերին: Պարզվեց, որ պալատական շենքի արևելյան մասն այդ ժամանակ արդեն լիովին ավերված է եղել, և VII դարի եկեղեցին շերտավորվել է նրա հյուսիս-արևելյան անկյան վրա: Պալատական մեծ շենքը (40 մ երկարությամբ և 15 մ լայնությամբ) բաղկացած է եղել երկու հարակցված մասերից: Հարավային կողմում տեղավորված է եղել երկհարկ մեծ դահլիճը (9,65×19,92), իսկ նրանից հյուսիս-արևմուտք ձգվել է բնակելի սենյակներից կազմված մասը: Բաժանումները այնտեղ անհամեմատ փոքր են և հպված միմյանց:

Այս մեծ պալատին ուղղահայաց, նրա հյուսիս-արևելյան կողմում կառուցված է եղել բաղնիքի շենքը, որը և պարփակել է տաճարից հյուսիս-արևմուտք կազմավորված հրապարակը: Ընդ որում համալիրի դոմինանտը եղել է տաճարը՝ տեղավորված սարահարթը արևելքից երիզող անդնդախոր կիրճի ուղղությամբ: Տարակույս չի կարող լինել, որ այստեղ և՛ հնում, և՛ միջնադարում եղել են նաև այլ, այժմ լիովին անհայտացած կառույցներ: Շինարարական կյանքն այստեղ շարունակվել է ընդհուպ մինչև XIII դար, հանգամանք, որն ակնհայտ է պարսպի և ամրոցի ներսում եղած շենքերի կառուցողական ձևերում:

Հայտնի է, որ կանոնավոր մշակված, զուգահեռանիստ քարերով և արձնապատ երկաթյա գամերով ամրացած պատի շարքի տեխնիկան բնորոշ էր հատկապես վաղ շրջանի կառույցներին, մինչդեռ պատի որմածքը արդեն առանց գամերի օգտագործման, համեմատաբար փոքր և ճեղքված քարերից, կրաշաղախի օգտագործման պայմաններում ի հայտ է գալիս մի քանի դար հետո: Պատի որմածքի այս երկու ձևերը հանդիպում են Գառնիում, ընդ որում առաջին տարբերակը բնորոշ է պարսպապատի հնագույն մասերին և տաճարին, իսկ երկրորդը՝ պալատի և բաղնիքի շենքերին:

Գառնիի համակառույցի տարբեր շենքերում իրենց դրսևորումն են գտել պատմական տարբեր շրջաններ՝ նրանց համար այնքան բնորոշ և յուրովի կառուցողական տեխնիկայով հանդերձ: Այդ տեսնում ենք հզոր պարսպապատում, որտեղ առկա են տարբեր կառուցողական տեխնիկա ունեցող հատվածների ուշագրավ շերտավորումներ: Այս ամենը որոշակի արձագանքն էր մի երևույթի, որն իրավացիորեն նշում է Բ. Առաքելյանը. «Երրորդ դարի վերջում և չոր-

1 Ա. Ս ա հ ի ն յ ա ն, Գառնիի անտիկ կառույցների ճարտարապետությունը, Երևան, 1983, էջ 49:

լորդ դարում Առաջավոր Ասիայի և Հայաստանի կառուցողական տեխնիկայում տեղի ունեցան մեծ փոփոխություններ, պատերը սկսեցին կառուցել ոչ թե շոր շարքով, այլ շաղախի օգտագործման միջոցով»²։

Հեթանոսական տաճարի թվագրությունը՝ հիմնված ճարտարապետական ձևերի և վիճակագրական տվյալների վրա, լիովին համահնչյուն է նրա կառուցողական տեխնիկային (մեծադիր զուգահեռանիստ քարեր՝ ամրացված երկաթյա գամերի միջոցով շաղախի բացակայությամբ պայմաններում), սակայն մինչև այժմ շատ բան պարզ չէ պալատական կառույցի թվագրության հարցում։

Դժվար է համաձայնվել Ա. Սահինյանի այն կարծիքին, թե «հայտնի է, որ Հռոմեացիների հանկարծակի հարձակումից ահաբեկված, Միհրդատը 52-ին փախել և պատսպարվել է Գառնիի ամրոցի ապարանքում։ 52-ին հռոմեական զորքերի կողմից Արտաշատի կործանման ժամանակ ավերածությունների են ենթարկվում նաև Գառնիի ամրոցը և նրա ներսում գտնվող պալատական կառույցները։ Հնարավոր է, որ ուսումնասիրվող պալատական դահլիճը պատկանի մինչև 59-ի ավերումները գոյություն ունեցած պալատական շենքին»³։ Տակիտոսի մոտ, որին վկայակոչում է Ա. Սահինյանը, խոսք չկա պալատի մասին։ Նա գրում է միայն, որ Միհրդատը, ներխուժումից ահաբեկված, փախել և պատսպարվել էր Գառնիի ամրոցում, որն «ապահով էր թե՛ տեղադրության և թե՛ հռոմեական կայազորի պաշտպանության շնորհիվ»⁴։ Չի կարելի չնկատել նաև, թե ինչպիսի արմատական տարբերություններ կան տաճարի և պալատի կառուցողական ձևերում, և ոչ մի կերպ չի կարելի համաձայնվել պալատի այն թվագրության հետ, որը նրան ավելի առաջ է տանում (մինչև 59 թ.), քան տաճարը (77 թ.)։ Այն հանգամանքը, որ և՛ բաղնիքը, և՛ պալատը կառուցված են ճիշտ և ճիշտ նույն շինարարական տեխնիկայով և կազմում են տաճարից արևմուտք ձևավորված համալիրի օրգանական մասերը, ոչ մի տարակույս չի թողնում, որ երկուսն էլ կառուցվել են միևնույն շինարարական շրջանում։ Մյուս կողմից բաղնիքի համոզիչ թվագրումը երրորդ դարի երկրորդ կեսով (այնտեղ հայտնաբերված խճանկարի հիման վրա)⁵ որոշակի կովան է ամբողջ պալատական համալիրը ևս նույն այդ ժամանակով թվագրելու համար (նկ. 1)։

Համալիրի քաղաքաշինական և ճարտարապետական վերլուծությունը տարակույս չի թողնում, որ բաղնիքի շենքը ի սկզբանե կազմել է պալատական համակառույցի օրգանական մասը։ հռոմեական ճարտարապետության մեջ ամառանոցների, վիլլաների, հովանոցների կառուցողական պրակտիկայում տեղների, բաղնիքների առկայությունը պարտադիր էր։ Հիպոկատուս հատակով, մի քանի բաժանումներից բաղկացած բաղնիքները ուղ հելլենիստական շրջանում և վաղ միջնադարում լայնորեն տարածված էին ամբողջ Առաջավոր Ասիայում։ Պատահական չէ, որ այդ ավանդույթներն անցել են հայկական միջնադար, և նման բաղնիքներ են կառուցվել Վաղարշապատում, Դվինում, Զվարթնոցում, Անիում, Ամբերդում՝ կազմելով պալատական հորինվածքների անբաժանելի մասը։

Ուշագրավ է այն որոշակի ընդհանրությունը, որն առկա է Զվարթնոցի և Գառնիի ճարտարապետական համալիրների միջև։ Եթե Գառնիում պալատը տեղավորված է տաճարից արևմուտք և նրա մի ծայրում է բաղնիքը, ապա Զվարթնոցում պալատական մեծ շենքը տաճարի հարավակողմում է, իսկ նրա արևելյան ծայրում՝ Գառնիի բաղնիքի նման հիպոկատուս հատակ ունեցող բաղնիքը։ Անիում նույնատիպ բաղնիք տեղավորված է եղել պալատի կենտրոնում։ Այս ամենը համոզում է, որ Գառնիում բաղնիքը ժամանակին կազմել


² Б. Н. Аракелян, Гарни, I, Ереван, 1952, с. 67.

³ Ա. Սահինյան, նշվ. աշխ., էջ 52։

⁴ «Կայուս Կորնելիուս Տակիտոսի տարեգրությունները», Երևան, 1941, էջ 55։

⁵ Б. Н. Аракелян, Гарни, II, Ереван, 1957, с. 34.

է պալատական համակառույցի օրգանական մասը, կառուցվել է նրա հետ՝ կաղմելով մեկ միասնական ամբողջություն: Այժմ մենք բոլոր հիմքերն ունենք եզրակացնելու, որ նույն ճարտարապետական համալիրի օրգանական մասը կաղմող պալատական շենքը, կառուցված ճիշտ և ճիշտ նույն շինարարական տեխնիկայով, ինչ բաղնիքը, պետք է որ կառուցված լինի նույն շինարարական շրջանում, այն է՝ Լրրորդ դարի վերջին: Դժբախտաբար և՛ պալատից, և՛



Նկ. 1. Գառնիի ճարտարապետական համալիրի ընդհանուր հատկագիծը. Ա) անտիկ տաճար, Բ) պալատական դահլիճ, Գ) պալատական շենքի մնացորդներ, Դ) բաղնիք, Ե) քառաբսիդ եկեղեցի, Զ) մատուռ (Մաշտոց կաթողիկոսի դամբարան):


բաղնիքից մեզ են հասել պատերի ներքևի մասերը միայն: Բաղնիքի ճուխ հարդարանքից մի նմուշ է մնացել՝ հանդերձարանի խճանկարային կոմպոզիցիան: Սակայն այդ էլ բավական է պատկերացնելու, թե ինչպիսի հարուստ մշակում են ունեցել թագավորանիստ պալատական համալիրի շենքերը, հատկապես երկհարկ պալատական կառույցը, որի ներքնահարկը, ինչպես պարզեցին պեղումները, ծածկված է եղել գունազարդ սվաղով:

Կանգ առանք Գառնիի կառույցների միայն շինարարական և կառուցողական կողմի վրա և փորձեցինք ճշտել համալիրի աշխարհիկ շենքերի, հատկապես պալատի, կառուցման ժամանակը: Նշենք, որ մեզ հասած մի շարք կարևոր վիճագրական և մատենագրական վավերագրերի վերլուծությունը էա-

կան նշանակություն է ստանում համալիրի ամեն մի կառույցի թվագրության հշտման հարցում:

Գառնիի ամրոցում պեղումների ժամանակ բացված բոլորածե կացարանները վկայում են, որ այստեղ շինարարական կյանք է եղել դեռևս բրոնզե դարում⁶: Ճաճարից ոչ հեռու, 1963-ին հայտնաբերվեց ուրարտական Արգիշտի Ա-ի (781—760) սեպագիր արձանագրությունը⁷: Մովսես Խորենացին, հիմնվելով ավանդությունների վրա, գրում է, որ Գառնիի ամրոցը հիմնադրել է Հայկ Նահապետի թոռ Ամասիայի որդի Գեղամը, որի թոռան՝ Գառնիկի, անունով էլ կոչվել է Գառնի⁸:

Ամրոցի վերաշինման առաջին փաստական վավերագիրը 1945 թ. հայտնաբերված հունարեն արձանագրությունն է՝ փորագրված բազալտե զուգահեռանիստ քարի վրա. այն ի սկզբանե տեղավորված է եղել պարսպապատի վրա, բայց հատկապես նրա որ մասում, դժվար է ասել: Սակայն թագավորի անունից գրված այս մեծ արձանագրությունը չէր կարող լինել աննկատ տեղում՝ (այն թերևս գտնվել է ամրոցի մուտքից ոչ հեռու), և արդեն չորս տասնամյակ չի հեռանում հետազոտողների ուշադրությունից⁹:



Նկ. 2. Գառնի Պալատական շինքի մնացորդներ:

⁶ է. Խանդավյան, Հայկական լեռնաշխարհի մշակույթ մ. թ. ա. երրորդ հազարամյակում, Երևան, 1967, էջ 15:

⁷ Б. Н. Аракелян, Урартская клинообразная надпись из Гарни («Պատմա-բանասիրական հանդես», 1966, № 2, էջ 292):

⁸ Մովսես Խորենացի, Պատմութիւն Հայոց, Տփղիս, 1913, էջ 41:

⁹ Ստ. Լիսիցյան, Գառնիի տաճարի հունարեն արձանագրությունը («Սովետական Հայաստան», 23. IX. 1945), Հ. Մանանդյան, Գառնիի հունարեն արձանագրությունը և Գառնիի հեթանոսական տաճարի կառուցման ժամանակը, Երևան, 1946, Ա. Արբաճյան, Գառնիի հունարեն արձանագրությունը («Էջմիածին», 1947, մարտ—ապրիլ), К. В. Тревер, Очерки по истории культуры древней Армении, М.—Л., 1953, с. 187; Б. Н. Аракелян, Гарни, I, с. 52; Գ. Սարգսյան, Գառնիի հունարեն արձանագրության շուրջը (ՀՍՍՀ ԳԱ «Տեղեկագիր» հաս. գիտ., 1956, № 3): Հ. Բարթիկյան, Գառնիի հունարեն արձանագրությունը և Մովսես Խորենացին («Պատմա-բանասիրական հանդես», 1965, № 3, էջ 229):

Հրատարակվել են վերծանություն մի շարք տարբերակներ. ընդ որում բուն կառույցներին վերաբերող հարցերից առավել շատ վեճերի աղբյուր է եղել այն, թե Տրդատ Ա արքան ինչ է կառուցել ամրոցի ներսում: Հետազոտողների մի խումբը այդ կառույցը նշող բառի տակ տեսնում է ապարանք, իսկ մյուս խումբը՝ տաճար:

Այն հանգամանքը, որ Բ. Առաքելյանը «տաճար» բառից հետո հարցական նշան է դնում, պատահական չէ. «ΑΝΑΚΤΟΡΟΝ» բառը, ըստ Հ. Բարթիկյանի, «կոնկրետ նշանակում է պալատ, ապարանք, նաև՝ սրբատեղի, տաճար»¹⁰:

Ն. Մառը, խոսելով հայկական և վրացական աշխարհիկ և պաշտամունքային ճարտարապետությունների միջև եղած առնչությունների մասին, հարց է դնում. արդյո՞ք պաշտամունքային կառույցների գմբեթները իրենց նախորդները չեն ունեցել աշխարհիկ շենքերի համապատասխան ձևերում և արդյո՞ք նման կապի արտահայտությունը չէ, որ և՛ հայերենում, և՛ վրացերենում պաշտամունքային կառույցվածքը՝ եկեղեցին, կոչվում է նաև հին պարսկերենում հայտնի *taçara* անունով, որտեղ այն նշանակում է «պալատ, տաճար»¹¹ (նկ. 2):

Ուշագրավ է, որ համանման երևույթ նկատվում է նաև հայկական ճարտարապետության համապատասխան կառույցների հիշատակման ժամանակ, երբ տաճար տերմինը լայնորեն օգտագործվում է և՛ պաշտամունքային մեծ կառույցների, և՛ արքունական պալատների դահլիճները բնորոշելու համար¹²: Պատահական չէ, որ նույն բառը Գառնիի արձանագրությունը հետազոտողները վերծանել են երբեմն տաճար, երբեմն էլ պալատ:

Այս պայմաններում վճռական խոսքը պետք էր սպասել պեղումներից. դրանք որոշակիորեն ցույց տվեցին, որ առաջին դարով և հատկապես առաջին դարի երկրորդ կեսով է թվագրվում տրդատաշեն տաճարը, որի և՛ ամբողջ հորինվածքը՝ և ճարտարապետական ձևերը, և՛ շինարարական տեխնիկան լիովին համապատասխանում են նշված թվագրությանը: Տարակույս չի մնում, որ հենց այս կառույցն է, որ հիշատակված է Տրդատ Ա-ի հայտնի արձանագրության մեջ:

Գառնիի կառույցվածքների մասին խիստ ուշագրավ տեղեկություններ է հաղորդում Մովսես Խորենացին: Խոսելով Տրդատ Գ-ի շինարարական գործունեության մասին, նա գրում է. «Ջայսու ժամանակաւ կատարէ Տրդատ զշինուած ամրոցին Գառնույ, զոր որձաքար և կոփածոյ վիմօք, երկաթազամ և կապարով մածուցեալ, յորում շինեալ և տուն հովանոց, մահարձանօք, սքանչելի դրողւածովք, բարձր քանդակաւ ի համար քեռ իւրոյ խորովիդիտոյ, և գրեալ ի նմա զշխատակ իւր հելլենացի գրով»¹³:

Մասնագիտական գրականության մեջ Խորենացու այս տողերը տարբեր մեկնաբանությունների առիթ են տվել, որոնց զգալի մասը արմատավորվել էր դեռևս այն ժամանակ, երբ պեղումները չէին ավարտվել, և ո՛չ պալատը, ո՛չ բաղնիքը հայտնի չէին:

Ամփոփելով Մովսես Խորենացու հիշատակության մեկնաբանությունները, Հ. Բարթիկյանը նշում է. «Ժամանակակից ուսումնասիրողները, քաջածանոթ լինելով Գառնիի հեթանոսական տաճարին, որը լրիվ բացվել էր Ն. Մառի և Տա. Մմիժնովի պեղումներից հետո, այդ «տուն հովանոց»-ը Մովսես Խորենացու նկարագրությունից ելնելով («Մահարձանօք, սքանչելի դրողւածովք, բարձր քանդակաւ») համարել են Գառնիի հեթանոսական տաճարը: ԵՏուն հո-

10 Հ. Բարթիկյան, նշվ. հոդվ., էջ 230:

11 Ленинградское отделение архива АН СССР, архив Н. Я. Марра, фонд А—940, с. 110.

12 Թ. Թորամանյան, Նյութեր հայկական ճարտարապետության պատմության, հ. 1, Արևան, 1942, էջ 354:

13 Մովսես Խորենացի, Պատմութիւն Հայոց, էջ 241:

վանոց»-ը նույնացնելով Գառնիի հեթանոսական տաճարի հետ և հորենացուց գիտենալով, որ Տրդատը իր շինությունների մասին գրավոր հիշատակություն է թողել հունարեն տառերով գրված արձանագրության մեջ, և վերջապես 1945 թ. հայտնաբերված հունարեն արձանագրությունը համարել հենց այն, ինչի մասին մատնացույց էր արել պատմահայրը»¹⁴:

Հետազոտությունները ցույց են տալիս, որ այս տեսակետները պետք է հիմնովին վերանայվեն: Դժվար չէ տեսնել, որ հորենացու հիշատակությունը բաժանվում է երեք հատվածի. առաջին մասը վերաբերում է պարսպապատի վերաշինությանը (կատարել Տրդատ զշինուած ամրոցին Գառնույ, զոր որձաբար և կոփածոյ վիժօք, երկաթագամ և կապարով մածուցեալ), երկրորդ մասը, որտեղ նկարագրվում են ամրոցի ներսում կատարված շինարարական աշխատանքները (յորում շինեալ և տուն հովանոց, մահարձանօք, սքանչելի դրոշուածովք, բարձր քանդակաւ ի համար քեռ իւրոյ խոսրովիդխտոյ) և վերջապես այն արձանագրության մասին, որը դրոշմվել է պալատի պատին (և գրեալ ի նմա զհիշատակ իւր հելլենացի գրով):

Ինքնին պարզ է, որ «որձաբար... կապարով մածուցեալ» որմածքը վերաբերում է հատկապես պարսպապատին և ոչ երբեք հովանոցին, իսկ արձանագրության մասին հիշատակությունը տարակուսանք չի թողնում, որ հորենացին անձամբ տեսել ու կարդացել է այն պալատի պատին: Քննենք այս հատվածներն առանձին, առանձին: Իր աշխատության մեջ հորենացին մեկ այլ տեղ հիշատակում է Գառնիի ամրոցի շատ ավելի վաղ կառուցված լինելը, և հասկանալի է, որ խոսքն այստեղ ամրոցապատի վերաշինության և ամրացման մասին է, այսինքն՝ այնպիսի աշխատանքների, որոնք ձեռնարկվում էին ամեն մի ամրոցում, պարբերաբար, նրանց գոյության ամրողը ընթացքում:

Արդ՝ ի՞նչ է հորենացու հիշատակության երկրորդ մասում նշված «հովանոցը»: Առումնասիրողների մոտ կասկած չկա, որ այն աշխարհիկ շենք է, պալատական մի կառույց: Դեռևս Մ. էմինը հորենացու իր առաջին թարգմանության մեջ այն անվանել է «ամառային պալատ» «летний дворец»¹⁵, իսկ հաջորդ թարգմանության մեջ՝ «вилла»¹⁶:

Բ. Առաքելյանը այն թարգմանում է «дом прохлады» կամ «летний дом»¹⁷:

Ուշագրավ է, որ հենց ինքը՝ հորենացին, նույն այդ իմաստով էլ մի քանի տեղ օգտագործում է հովանոց բառը, որը Ստ. Մալխասյանցը թարգմանում է որպես «ամառանոց»: Այսպես, խոսելով վաղարշակ թագավորի մասին, հորենացին գրում է, որ նա Տաթևում «Գեղեցիկ կերպով կարգավորում է այս նրկիրը... իր թագավորության վայելչության համար այնտեղ ամառանոցներ պատրաստելով, երբ ամառները դեպի հյուսիս գնալու լինի...»¹⁸:

Խոսելով խոսրով Կոտակի մասին, հորենացին գրում է. «...զարքունիսն փոխել վերոյ անտառին յոստ մի, ապարանս հովանաւորս շինեալ, որ ըստ պարսկական լեզուին Դուին կոչի»¹⁹: Ստ. Մալխասյանցը այս հատվածը թարգմանում է հետևյալ կերպ. «Նաև արքունիքը փոխադրում է անտառից վերև մի բլուրի վրա և շինում է արևից պատսպարված ապարանք, խոնդը՝ պարսկական լեզվով կոչվում է Դվին, որ նշանակում է բլուր»²⁰:

Այսպիսով, կասկած չկա, որ հորենացին հիանալի գիտեր, թե ինչ տիպի, ինչ կարգի կառույցի մասին է խոսքը, և ոչ մի հիմք չկա ենթադրելու, որ նա

14 Հ. Բարթիկյան, նշվ. հոդվ., էջ 229:

15 «История Армении Моисея Хоренского», М., 1859, с. 159.

16 «История Армении Моисея Хоренского», новый перевод Н. Эмина, М., 1893, с. 138.

17 Б. Н. Аракелян, Гарни, I, с. 8.

18 Մ ո վ ս ե ս հ ո ռ ե ն ա ց ի, Պատմություն հայոց, Երևան, 1968, էջ 134:

19 Նույն տեղում, գիրք երկրորդ, գլ. 6:

20 Նույն տեղում, էջ 245:

կարող էր Գառնիի հեթանոսական տաճարը համարել Տրդատի քոչ՝ Խոսրո-վիդուխտի, ճովանոցը: Խորենացին, որը երիտասարդական տարիներին եղել էր Արևմուտքում, Ալեքսանդրիայում, տեսել հունա-հռոմեական տասնյակ տաճարներ, կարող էր շփոթել նույնատիպ կառույց հանդիսացող Գառնիի տաճարը հովանոցի հետ, ինչպես ենթադրում է ուսումնասիրողների մեծ մասը: Մյուս կողմից՝ այն հանգամանքը, որ նույն հեթանոսական տաճարի ներսում, թերևս IV դարում (ինչպես այդ պարզեցին Ն. Մառի պեղումները), քրիստոնեական եկեղեցի է կառուցվել, երկաթիդ փոքրիկ մատուռ, հավանաբար Տրդատի և Խոսրովիդուխտի հիշատակին, դարձյալ բացառում է այն կառույցը որևէ կերպ աշխարհիկ շենք համարելու հնարավորությունը: Այն դրույթը, թե Խորենացին Տրդատ Ա-ի գործերը վերագրել է Տրդատ Գ-ին, իսկ հեթանոսական տաճարը համարել Խոսրովիդուխտի հովանոց, բնավ չի կարող ընդունել լինել: Մնում է ենթադրել, որ Խորենացին իսկապես տեսել է Խոսրովիդուխտի հովանոցը և այն էլ նկարագրել: Որ Խորենացին իսկապես եղել է Գառնիում, և, անշուշտ, կարդացել պարսպապատի վրա եղած Տրդատ Ա-ի արձանագրությունը, ոչ մի տարակուսանք չեն հարուցում:

Հայտնի է, որ IV դարում Գառնիում եպիսկոպոս է եղել Ամրոցից ոչ հեռու գյուղի տարածքում է գտնվում V դարով թվագրվող միանավ, խիստ ուշադրավ եկեղեցին: Որ պալատական կառույցները V դարում դեռ կարող էին պահպանված լինել, վկայում է Դվինի VII դարի սկզբում կառուցված կաթողիկոսական պալատի երկարակեցությունը, որը կանգուն է եղել մինչև X դար²¹: Իսկ այդ հանգամանքը, որ VI—VII դարերում և՛ Դվինում, և՛ Զվարթնոցում կառուցվել են Գառնիի բաղնիքի նման հիպոկաուստ տիպի հատակ ունեցող բաղնիքներ, է՛լ ավելի է հնարավոր դարձնում Գառնիի պալատական համալիրի գոյությունը VI դարում և VII դարի առաջին կեսում: 607 թ. Աբրահամ կաթողիկոսի՝ Դվինում գումարած եկեղեցական ժողովին մասնակցել է Գառնիի երեքը՝ «Խսրայէլ Գառնոյ»: Բացառված չէ, որ Գառնիի պալատը ավերվել է արաբական արշավանքների ժամանակ, թերևս VII դարի առաջին կեսում²²:

Այս առնչությամբ զգալի հետաքրքրություն են ներկայացնում հորինվածքային այն որոշակի ընդհանրությունները, որ կան Գառնիի և Զվարթնոցի պալատական համալիրների միջև: Այդ վերաբերում է թե՛ կառույցների ընդհանուր դասավորությանը, թե՛ գահաստահի խորշերին, թե՛ բնակելի մասի եզրին բաղնիքի առկայությանը: Հայտնի է, որ Ներսես Գ. կաթողիկոսի շինարարական գործունեությունը ծավալվեց հատկապես Տրդատի և Գրիգոր Լուսավորչի հետ կապված վայրերում (Բագավան, Խոր Վիրապ, Զվարթնոց) և չի կարելի բացառված համարել, որ Գառնիի բոլորածե եկեղեցին 659-ին վեր խոյացավ Տրդատի հիշատակին, ճիշտ այնպես, ինչպես Խոր Վիրապի եկեղեցին՝ նվիրված էր Գրիգոր Լուսավորչին: 659-ին Գառնիի պալատն արդեն (համեմատյալ դեպս մեծ դահլիճը) լիովին կործանված էր, և Ներսեսը իր տաճարը հիմնադրեց՝ հաված հեթանոսական տաճարին, որն արդեն IV դարում սրբազորվել էր, և նրա ներսում եկեղեցի էր կառուցվել: Այսպիսին է ահա պալատի պատմությունը, մի պալատ, որն ամենայն հավանականությամբ դեռևս կանգուն էր V դարում, և Մովսես Խորենացին իսկապես տեսել էր նրա շքեղ հարդարները, քանդակազարդ մշակումը: Ընդհանրացած էր այն կարծիքը, որ ի տարբերություն Բյուզանդիայի, Հայաստանում քրիստոնեության տարածման սրահին անտիկ շրջանի տաճարներն ու հատկապես քանդակները իսպառ ոչ ընչացվում էին, ջարդուվիրուր արվում: Սակայն աստիճանաբար հավաքվում էին որոշակի կովաններ՝ պնդելու, որ ավերվում էին հատկապես պաշտամունքային բնույթի, հեթանոսական տաճարների ներսում դրված քանդակները, և թերևս ալլ էր վերաբերմունքը աշխարհիկ բնույթի, նախնիների քանդակների նկատմամբ: Արդյո՞ք այդ չի վկայում IV դարի 60-ական թվականներին կա-

21 Կ. Ղ ա ֆ ա դ ա լ ա ն, Դվին քաղաքը և նրա պեղումները, Երևան, 1952, էջ 122:

22 Բ. Ն. Ա ռ ա ք ե լ յ ա ն, Գ. Հ. Կ ա ռ ա խ ա ն յ ա ն, Գառնի, III, Երևան, 1962, էջ 13:

ուուցված Աղցի Արշակունիների դամբարանի սյուժետային քանդակներից մեկը, որտեղ պատկերված է միակ հերոսը (Հայկը), որը մաքառում է վարազի հետ: Անտիկ քանդակագործության ավանդների ոչ պակաս ցայտուն դրսևավորումն ենք տեսնում Օձունի հայտնի քանդակաշարերում և վաղ միջնադարյան միմոդիսի ճարտարապետության մեջ: Այդ ավանդույթները հասնում են մինչև Աղթամար, որտեղ բարձրաքանդակների շարքում առկա են անտիկ շերտից հետո տոհմապատմաների արձագանքները, երբ անտիկ շրջանին բնորոշ հագուստներով երիտասարդները մաքառում են առյուծների և ցուլերի հետ²³: IV—V դարերում պահպանված այդ աշխարհիկ քանդակները թերևս ոչնչացվել են արդեն արաբական տիրապետության կրոնական անհանդուրժողականության քաղաքականության պայմաններում, և հենց այդ է պատճառը, որ նույն Դառնիի հարուստ քանդակագործական հարդարանքից մեզ են հասել փշրանքներ միայն, սակայն այդքանն էլ անվերապահորեն վկայում է Դառնիի պալատական կառույցների արտակարգ շքեղ մշակման մասին: Այս շարքից առավել նշանակալիցն է բաղնիքի հանդերձարանի հայտնի խճանկարը, որի գոյությունն իսկ այս առօրյա օգտագործման համար նախատեսված շենքում տարակույս չի թողնում, թե ինչպիսի շքեղություն է եղել բուն պալատական կառույցում:

Թե՛ պալատական շենքի, թե՛ բաղնիքի պատերը մեզ են հասել առանց երեսապատման քարերի, որոնք դարերի ընթացքում պոկվել են, տարվել: Սակայն պեղումներից հայտնաբերված քարերը (բազալտե սալեր, իրենց ճարտարապետական մանրամասներով) գալիս են ասելու, որ պատերը բոլորն էլ երեսապատված են եղել, և այստեղ առկա է եղել հռոմեական կառուցողական տեխնիկայի մյուս տարրերակը, որտեղ ի տարբերություն ամբողջական, զուգահեռանիստ քարերից կազմված շոր շարքի, պատի զանգվածը արվում էր ճեղքված քարից և աղյուսից, շաղախվում կրաքետոնով և երեսապատվում մարմարե սալերով, ինչպես այդ տեսնում ենք հռոմեական շատ կառույցներում: Օրինակ՝ Կարակալայի տերմերը Հռոմում, որտեղ այժմ վեր են բարձրանում կրաքետոնի պատերը միայն և պատերի ներքևի մասերում, այն էլ միայն տեղ-տեղ, պահպանվել են մարմարյա երեսապատման սալերը:

Գառնիում այդ սալերը բազալտից են եղել, և նրանց հաստությունը չի անցել 15 սմ-ից: Պեղումների ժամանակ հայտնաբերվել են որմնասյուների կողող երկու սալեր, որոնցից մեկի վրա ոչ մեծ կիսաշրջանաձև հատվածքով մի որմնասյուն կա²⁴, իսկ մյուս քարի որմնասյունը ունեցել է ավելի զգալի չափեր²⁵: Անկասկած, դրանք պատկանել են պատերի տարբեր մշակում ունեցող հատվածների, թերևս համապատասխանաբար ինտերիերին և արտաքին պատերին (նկ. 3): Միանգամայն իրավացի է Բ. Առաքելյանը, որ այդ քարերը համարում է նրբորդ դարի վերջում և շորորդ դարում տարածված շինարարական տեխնիկայի արգասիք, նշելով միաժամանակ, որ հետագայում հայկական ճարտարապետության մեջ ընդհանրացած որմածքի տեխնիկան այլ էր, և բացառվում է նման երեսապատման քարեր օգտագործելու հանգամանքը²⁶:

Բացի բազալտե բեկորներից պեղումների ժամանակ, տարբեր տեղերում, հայտնաբերվել են ճարտարապետական հարդարանքների «բեկորներ»՝ արդեն մարմարից, որոնք թերևս պատկանել են համակառույցի աշխարհիկ ամենանշանավոր շենքին՝ պալատին²⁷: Դրանք պատկանել են ինտերիերի խորշերին,

23 Ստ. Մնացականյան, Աղթամար, Երևան, 1983, էջ 70:


24 Б. Н. Аракелян, Гарни, I, с. 54.

25 Նույն տեղում, էջ 53:

26 Բ. Առաքելյանը գրում է. «Որմնասյուների ունեցող սալերը որոշ պատկերացում են տալիս Գառնիի հնագույն մոնումենտալ կառույցների մասին: Դրանք ընդարձակ դահլիճներ ունեցող շենքեր էին, որոնք ծածկերը հենվել էին որմնասյուների վրա: Դահլիճների պատերը սվաղված են եղել, և թերևս ծածկված որմնակարներով» (նույն տեղում, էջ 59):

27 Բ. Առաքելյանը նշում է, որ «Ամրոցի արևելյան պատի մոտ պեղված կառույցի հատա-

արձանների պատվանդաններին և այլն: Հայտնաբերվել են նաև մարմարե նուրբ սյուների բեկորներ՝ թեքադիր կանելյուրներով հանդերձ: Ինտերիերի մշակման այս եղանակը լավ հայտնի է հռոմեական վիլլաներում և առանձնատներում, և այս ձևերի ի հայտ գալը Գառնիում ակնհայտորեն վկայում է հուսրովիդուխտի պալատի շքեղության մասին: Առանձնակի ուշագրավ են ոչ մեծ քանդակների մնացորդների հայտնաբերումը, որոնք որպես կանոն, դր-




Նկ. 3. Որմնասյուներ՝ երեսպատման սալերի վրա:

ված են եղել դահլիճների ներսում, և դրանց չափերը լիովին համապատասխանում են ինտերիերի մշակմանը: Դրանցից առավել նշանակալիցը 1963 թ. պալատի առջևի հրապարակում հայտնաբերված մի ֆիդուրի անդրին է՝ 50 սմ բարձրությամբ: Քանդակի ընդհանուր բարձրությունը, ինչպես նշում է Բ. Առաքելյանը, կազմել է մոտ 90 սմ²⁸: Այն որ քանդակի մեջքի ձախակողմյան մասը մշակված չէ, տարակույս չի թողնում, որ այն հենված է եղել պատին և դրված է եղել խորշի մեջ, ընդ որում նույն պեղումների ժամանակ հայտնա-

կին գտնվեցին 70 մարմարե բեկորներ, որոնք պատկանել էին առանձին կանգնած քանդակներին և որմնաքանդակներին, և ջարդվել ու դեն էին նետվել, հավանաբար, 4-րդ դարի սկզբին, քրիստոնեության ընդունման ժամանակ: Բեկորների երկրորդ մեծ խումբը պատկանել է ճարտարապետական կառույցների ներքին հարդարանքին... Տարակույս չի մնում, որ Գառնիի որոշ կառույցների ներքին հարդարանքում օգտագործվել է նաև մարմարը (Б. Н. Аракелян, Гарни, II, с. 73—74): Ուշադրավ է, որ այդ բեկորները հայտնաբերվել են հատկապես հեթանոսական տաճարի, պալատական համալիրի և բաղնիքի շրջակայքում ձեռնարկված պեղումների ժամանակ:

²⁸ Б. Н. Аракелян, Очерки по истории искусства древней Армении, Ереван, 1976, с. 24.

բերվել են հենց այդպիսի քանդակների պատվանդաններ²⁹։ Որ նման լուրջեր հղել են Գառնիի պալատում և ձգվել են երկայնական պատերի ամբողջ տարածքով (ամեն կողմում յոթական խորշ), հաստատում են առաջին, կիսանըկուղային հարկում ելած խորշերը։ Դրանք, անշուշտ, պատահական չէին, և որոշակի հիմքեր կան ենթադրելու, որ նույն հորինվածքը շարունակվել է նաև երկրորդ հարկի դահլիճում։ Կամարակապ այդ խորշերն շատ հարմար էին արձաններ տեղավորելու համար, հանգամանք, որը լայն տարածում ուներ հռոմեական պալատներում և վիլլաներում։ Արևելքում այն միահյուսվում էր նախնիների պաշտամունքի հետ։ Մովսես Խորենացին հիշատակում է, որ Վաղարշակ թագավորը իր նախնիների քանդակները տեղավորել է Արմավիրում կառուցված տաճարում։ Ոչ պակաս ուշագրավ է նախնիների քանդակների առկայությունը պարթևական իրանի մայրաքաղաք Նիսայում կառուցված տաճարում և պալատում³⁰։ Այդ ավանդույթը շարունակվել է նաև հայկական միջնադարում։ Օձունում, ՎԻ դարի մեմորիալ մոնումենտի կոթողների վրա առկա են հուշարձանի կտիտորների նախնիների բարձրաքանդակները, նախնիներ, որոնք օժանդակել են Գրիգոր Լուսավորչին և Տրդատին՝ քրիստոնեության տարածման գործում³¹։ Աղթամարում գլխավոր գոտու քանդակաշարում տեղ են



Նկ. 4. Մարմարե քիվի բեկորներ։

²⁹ Բ. Առաքելյանը ենթադրում է, որ այն կաղմել է մարմարե սարկոֆագի մի մասը (նույն տեղում)։ Լիովին ընդունելով սարկոֆագի գոյությունը, մեր կարծիքով նման քանդակներ աղատ կերպով կարող էին տեղավորված լինել նաև պալատի խորշերում։

³⁰ Г. А. Пугаченкова, Архитектура Средней Азии («Всеобщая история архитектуры в 12 томах», т. I, М., 1970, с. 358).

³¹ Ս ո լ Ր. Մ ն ա ջ ա կ ա ն յ ա ն, Հայկական վաղ միջնադարյան մեմորիալ հուշարձանները, Երևան, 1982, էջ 120։

գտել Արծրունյաց տոհմի փառապանծ նախնիները՝ սկսած հելլենիստական ժամանակներից մինչև ութերորդ դար, մինչև Համազասպ և Սահակ եղբայրները³² (նկ. 4):

Խորենացու խոսքերն այն մասին, որ Տրդատ Գ-ն կառուցել էր «տուն հովանոց», «մահարձանօք, սքանչելի դրոշուածովք, բարձր քանդակաւ», լիովին հաստատվեցին պեղումների ժամանակ հայտնաբերված մանրամասներով: Պատվանդանի վրա դրված բոլորածև քանդակները, ամենայն հավանականությամբ, ներկայացրել են թագավորական տան նախնիներին և լիովին համապատասխանում են Խորենացու «մահարձանօք» տերմինին: Պատերին հաված, կիսածավալային, գորելեֆ քանդակների մնացորդները, նրբագեղ զարդագոտիների հատվածները լիովին համահնչյուն են Խորենացու «բարձր քանդակաւ» տերմինին, իսկ հայտնի բաղմաֆիգուր, հլանալի մշակված խճանկարը՝ «սքանչելի դրոշուածովք» արտահայտությանը (նկ. 5.):



Նկ. 5. Տղամարդու քանդակի մաս (մարմար):

Անդրադառնանք այժմ Խորենացու հիշատակության երկրորդ մասին: Այստեղ ևս մենք ոչ մի հիմք չունենք շահմատալու Խորենացուն, երբ նա խոսում է Տրդատ Գ-ի կողմից պալատի վրա թողած արձանագրության մասին

³² Ստ. Մ ն ա ց ա կ ա ն յ ա ն, նշվ. աշխ., էջ 70:

(և գրեալ ի նմա գլխատակ իւր հելլենացի գրով)։ Հետազոտողների մեծ մասը գտնում է, որ խորենացու նշած այդ արձանագրութիւնը հենց այն է, ինչ հայտնաբերվեց 1945 թվականին, թեև ակնհայտ է միաժամանակ, որ վերջինս գտնվել է պարսպի վրա, իսկ խորենացին խոսում է պալատի վրա եղած արձանագրության մասին³³։ Մյուս կողմից, խորենացին բերում է հատկապես պալատին վերաբերող այնպիսի մանրամասներ, որոնք բնավ չկան պարսպապատի արձանագրության մեջ, թեև միաժամանակ չի կարելի շնկատել, որ երկու դեպքում էլ խոսվում է թագուհու համար նրա պատվին ձեռնարկած կառույցների մասին։ Բացառված չպետք է համարել, որ Տրդատ Գ-ի կողմից իր քրոջ համար պալատ կառուցելը առնչվել է շատ ավելի խոր ավանդույթի հետ, որն իր դրսևորումն է գտել դեռևս Տրդատ Ա-ի արձանագրության մեջ՝ փորագրված ամրոցապատի վրա։ Թվում է, որ իրավացի է Հ. Բարթիկյանը, երբ գրում է. «Հնարավոր է, որ Գառնիի պալատը տրագիցիայով հետագայում ևս շարունակած լինէր մնալ որպես հայ Արշակունիների կանանց ամառային ապարանք, այդ թվում նաև Տրդատ Գ-ի կնոջ՝ Աշխենի և Տրդատի քրոջ՝ խոսրովիդուխտի համար»³⁴։ Ավելացնենք միայն, որ խոսքն այստեղ, ամենայն հավանականությամբ, ոչ թե միայն պալատի, այլ ամբողջ ամրոցի մասին է, և Գառնիի ամրոցը իր տաճարով և պալատական շենքերով թերևս հանդիսացել է Արշակունիների կանանց ամառային նստավայր։ Որ Արշակունիների մոտ այդ սովորույթը իսկապես կար, վկայում է Դվինի մոտ, խոսրով արքայի անտառատնկման սահմաններում գտնվող Տիկնունի ամրոցը, Գառնիից Արտաշատ տանող ճանապարհի վրա։ Մյուս կողմից, այն փաստը, որ խորենացին խոսրովի կառույցն անվանում է «ապարանս հովանաւորս», այսինքն՝ օգտագործում է նույն տերմինը, ինչով նա բնորոշում էր Գառնիի իսկապես «ամառային պալատ» լինելը. չի՞ նշանակում արդյոք, որ համենայն դեպս, սկզբնական շրջանում արքունիքը Արտաշատից Դվին էր տեղափոխվում հատկապես ամռան շուրջ ամիսներին, երբ Արաքսի հեռանալու պատճառով առաջացած ճահճուտներից բարձրացող գարշահոտ գոլորշիները ողողում էին ամբողջ շրջակայքը։ Իսկ աշնանը թագավորն արքունիքի հետ միասին վերադառնում էր Արտաշատ։ Եվ միայն IV դարի 60-ական թվականների պատերազմից հետո, երբ վերջնականապես կործանվեց Արտաշատը, Դվինը դարձավ երկրի մայրաքաղաք (նկ. 6)։



Նկ. 6. Նստած մարդու բարձրաքանդակ (մարմար)։

³³ Բ. Առաքելյանը միանգամայն հնարավոր է համարում, որ Գառնիում եղել է երկու արձանագրություն (Ե. Н. Аракелян, Гарни, I, с. 68)։

³⁴ Հ. Բարթիկյան, նշվ. հոդվ., էջ 232։

Այս ամենի հետ միասին չպետք է մոռանալ, որ Արշակունիները ամառանոցային նստավայրեր ունեին նաև այլ շրջաններում, և դրանցից մեկն էր Ապարանը:

Գառնիի և Դվինի դաստակերտների միջև նշմարվող պատմական առնչությունները որոշակի հիմք են տալիս համադրելու նաև նրանց պալատական կենտրոնական դահլիճները: Ծիշտ է, երկու տեղում էլ պահպանվել են պատերի ներքևի մասերը միայն, սակայն երկուսի հատակագծային լուծումներն էլ ակնհայտ են և որոշակի: Այն, որ Խոսրովի պալատը կառուցվել է անմիջապես Գառնիի պալատից հետո, է՛լ ավելի հետաքրքիր և ուշագրավ է դարձնում դրանց համեմատությունը, քանզի Գառնիի պալատը որոշակի կերպով առնչվելով հելլենիստական մշակույթի հետ, ուներ սկզբունքային այլ լուծում, ինչ Խոսրովի պալատը՝ կառուցված արդեն քրիստոնեության հաղթանակից հետո: Տարակույս չի կարող լինել, որ Գառնիում առաջին հարկի երկայնական պատերին հպված որմնամույթները շարունակվել են նաև երկրորդ, հանդիսավոր հարկում: Սակայն լժի այդ այդպես է, ապա նրանց առկայությունը անմիջականորեն պետք է կապված լիներ դահլիճի ծածկի հետ: Այս պայմաններում բացառված չէ, որ հանդիպակաց պատերի որմնամույթների միջև ձգվել են լայնանիստ կամարներ, որոնք և կրել են դահլիճի փայտե ծածկը: Սակայն հնարավոր է, որ այստեղ օգտագործվել են եռակամար, ճակտոնապատերով ավարտվող լայնական հենարանները, որոնց վերին, թեքադիր մասերի վրա էլ հենվել են ծածկի գերանները:

Ուշագրավ են այն ընդհանրությունները, որ կան Գառնիի պալատական դահլիճի և Զվարթնոցի գահասրահի միջև, որտեղ առկա են երկայնական պատերի ուղղությամբ ձգվող լայն խորշերը: Այս հանգամանքը, ինչպես նշվեց, կարելի է բացատրել Ներսեսի մեծ ակնածանքով դեպի Գառնիի առհասարակ, որտեղ նա (659 թ.), թերևս Տրդատի հիշատակը հավերժացնելու համար, մեծ եկեղեցի է կառուցում՝ հպված հնամանդ հեթանոսական տաճարին, որը քրիստոնեության տարածման սկզբին սրբազործվել էր, իսկ մեջը փոքրիկ եկեղեցի էր կառուցվել³⁵: Հենց այս էլ փրկել էր հեթանոսական կառույցը կործանումից, և ճիշտ չէ այն ենթադրությունը, որ տաճարը իբր վեր էր ածվել Խոսրովի դուխտի հովանոցի:

Ներսես կաթողիկոսի համար այս հարցում, անշուշտ, նախօրինակ էր ծառայել իր նախորդների՝ կաթողիկոսներ Կոմիտասի և Սգրի գործունեությունը, երբ նրանք հոյակերտ տաճարներ էին կառուցել Հռիփսիմեի և Գայանեի դամբարանների վրա: Գառնիում իրադրությունն այլ էր, և Ներսեսը եկեղեցին կառուցեց հեթանոսական տաճարի և պալատի միջև ընկած տարածքում: Պալատն այդ ժամանակ կործանված էր, և եկեղեցու մի մասը ծածկեց պալատի հարավ-արևելյան անկյունը: Սակայն այս ամենը ուներ իր նախապատմությունը. բանն այն է, որ Ներսես Գ-ի գործունեության մեջ նկատելի է ձգտումը՝ տաճարներ կառուցել հատկապես այն վայրերում, որոնք կապված էին Գրիգոր Լուսավորչի և Տրդատի հիշատակի հետ. այսպես՝ Բագավանում, Խոր Վիրապում, Զվարթնոցում (որտեղ, ըստ ավանդության, առաջին անգամ հանդիպել են Գրիգոր Լուսավորչին ու Տրդատը) և վերջապես Գառնիում:

Սկսած IV դարի երեսնական թվականներից հայկական աշխարհիկ ճարտարապետության զարգացման պրոցեսում նշմարվում է հորինվածքների զարգացման տրամաբանական մի որոշակի շղթա (Դվինի Արշակունիների մեծ պալատը՝ IV դարի երկրորդ բաղորդ, V և VII դարերում Դվինում կառուցված կաթողիկոսական պալատները, Զվարթնոցի VII դարի կեսերին կառուցված պալատական համալիրը, Արուճի VII դարի երկրորդ կեսի պալատը), որ է՛լ ավելի անհրաժեշտ է դարձնում ավանդական բնույթ կրող ճարտարապետա-

³⁵ Ленинградское отделение архива АН СССР, архив Н. Я. Марра, фонд 800, с. А—2930.

կան այդ հորինվածքների կազմավորման նախադրյալների և վաղ շրջանի օղակների բացահայտումը:

Ուրարտական նշանավոր կենտրոնների (էրեբունի, Թիշեբաինի, Արգիշ-տիխինի) պեղումները, նրանց պալատական կառույցների սյունազարդ հորինվածքների հայտնաբերումը հնարավորություն տվեցին նշմարել միջնադարյան հայկական պալատական կառույցների ակունքները, նշել, որ ծաղկելով և զարգանալով ժողովրդական ճարտարապետության մեջ մշակված ձևերի հիման վրա, անցնելով զարգացման որոշակի շրջան, մոնումենտալ հորինվածքներն այնքան տրամաբանական էին, այնքան կենսունակ, որ չկորցրեցին իրենց նշանակությունը պատմական միանգամայն այլ, նոր պայմաններում: Այս առնչությամբ մեծ հետաքրքրություն են ներկայացնում ժամանակագրական աեսակետից հաշորդ, արդեն հիլենիսական շրջանի պալատական կառույցները, շենքեր, որոնք ըստ էության անմիջականորեն նախորդել են և թերևս որոշակի նշանակություն ունեցել վաղ միջնադարյան աշխարհիկ ճարտարապետության այդ առավել նշանակալից հորինվածքների կազմավորման հարցում:

ГАРНИЙСКИЙ ДВОРЕЦ И МОВСЕС ХОРЕНАЦИ

СТЕПАН МНАЦАКАНЯН

Резюме

Раскопки крепости Гарни (рук.-акад. АН АрмССР Б. Н. Аракелян) открыли к северо-западу от античного храма дворцовый комплекс в составе залного колонного помещения и бани. Строительная техника этих сооружений и мозаика пола предбанника позволяют уверенно датировать дворец концом III в. н. э. Такая датировка подтверждается анализом целого ряда архитектурных фрагментов, деталей небольших статуй, рассчитанных на размещение в интерьере дворца. Важное значение для датировки дворца имеет сообщение Мовсеса Хоренаци. Он пишет, что царь Трдат III восстановил крепость, возвел богато отделанный скульптурами летний дворец для сестры своей Хосровидуخت и оставил на стене дворца греческую надпись.

В специальной литературе доминирует мнение, согласно которому Хоренаци приписал Трдату III сооружения Трдата I, а дворцом Хосровидуخت считал античный храм. Сравнительный анализ имеющегося материала указывает на то, что Хоренаци (один из образованнейших деятелей эпохи, бывавший на Западе и знакомый с греческой культурой) хорошо различал храм от здания дворца; отнюдь не случайно, что употребленным им для обозначения постройки в Гарни термином «*հովանոց*» он воспользовался и для обозначения дворца царя Хосрова в Двине. Хоренаци, несомненно, видел остатки дворца Хосровидуخت, а также не дошедшую до нас греческую надпись Трдата III.

Гарнийский дворец, возведенный на рубеже принятия христианства, имеет важное значение для выявления путей эволюции светского зодчества Армении.